

GREGORIUS Iliberitanus¹ († post 392)TRACTATUS [ORIGENIS] DE LIBRIS S.S. SCRIPTURARUM²

^{PLS}
^{I, 396} VI. [...] *Exiet virga de radice Iesse, et flos de radice eius ascendet.*³ 492

Iesse iste pater fuit David, ex cuius radice, id est ex cuius origine, Maria virgo est nata, quam virgam Isaias appellat, et florem de virga, id est Christum de virgine natum indicat. Quod quidem et per Iezechielem sic dicitur: *Ecce dies veniunt et virga florebit,*⁴ id est virgo pariet humani florem generis Christum. Et hoc est quod dicit: *De germine filius meus ascendisti*, quia ut iam dictum est, ex germine semenis Iuda processit Maria, unde flos Christus advenit.⁵

^{PLS}
^{I, 424} XI. [...] Terra autem reprobationis caro est Mariae virginis, quia caro terra Scripturis divinis a Domino appellatur, sicut Dominus ad Adam ait: *Terra es, et in terram ibis.*⁶ De qua terra quales fructus attulerint, rogo, diligenter attendite.

*425 Botrum, inquit, *in phalanga*, et ficum, et mala punica. Sed quis hic botrus de terra reprobationis est, nisi Christus de carne virginis? Dixerat enim Deus: *Ecce virgo in * utero accipiet.*⁷

^{PLS}
^{I, 442} XIV. [...] *Et intravit Gedeon in castris, et ecce homo narrabat proximo suo somnium et dixit: Sonniavi, et ecce in magida panis hordeaceus volvebatur in castra Madian, et venit usque ad tabernaculum Madian, et percussit illud, et cecidit, et evertit.*⁸ Magis itaque illa, in qua panis volvebatur qui hostium castra percussit et dissipavit atque destruxit, quid aliud quam sinum seu uterum Mariae virginis significabat, in quo panis vitae Christus, factus sub lege ex femina, volvebatur, quia legem Dominus noster non venerat solvere, sed adimplere?⁹

^{PLS}
^{I, 469} XX. [...] Filius etenim Dei ideo primum venit ad virginem, ut hominem sibi exinde in virginis utero plasmaret. Sicut et primum Adam de limo terrae formaverat, ita et hunc secundum Adam de

¹ Vel Iliberritanus (cf. CCL LXIX).

² Cf. PLS I, 353.

³ Isa. XI, 1.

⁴ Ezech. VII, 10.

⁵ CCL LXIX, 50.

⁶ Gen. III, 19.

⁷ Isa. VII, 14; et CCL LXIX, 87.

⁸ Iudic. VII, 13.

⁹ CCL LXIX, 109.

matre virgine quasi de rudi terra plasmavit, ut id quod primus Adam perdiderat restauraretur in Christo [...].¹

TRACTATUS DE EPITHALAMIO

- 496 Lib. I. [...] *Veritas*, inquit, *de terra orta est*, id est *caro Christi*, <sup>PLS
I, 475</sup> de matre virgine nata, cuius origo terrena est: *pax de caelo prospexit*,² id est Verbum Dei: qui dixit: *Ego sum pax*.³
- 497 Lib. III. [...] Hic est botrus quem in palanga speculatores a Mose missi de terra reprobmissionis adtulerunt. Terra enim reprobmissionis corpus erat Mariae Virginis: botrum in palanga corpus Domini inter duos populos palanga crucis allatus.⁴ <sup>PLS
I, 489</sup>

S. GREGORIUS Nyssenus (ca 335 † 394/395)

DE VIRGINITATE (371)

- 498 Cap. II. [...] "Οπερ γὰρ ἐν τῇ ἀμιάντῳ Μαρίᾳ γέγονε σωματικῶς, τοῦ πληγώματος τῆς θεότητος ἐν τῷ Χριστῷ διὰ τῆς Παρθένου ἐκλάμψαντος· τοῦτο καὶ ἐπὶ πάσης ψυχῆς κατὰ λόγον παρθενεύούσης γίνεται. Οὐκέτι σωματικὴν ποιουμένου τοῦ Κυρίου τὴν παρουσίαν· οὐ γὰρ γινώσκομεν ἔτι, φησί, κατὰ σάρκα Χριστόν· ἀλλὰ πνευματικῶς εἰσοικίζομένου, καὶ τὸν Πατέρα ἔκυτοῦ συνεισάγοντος, καθὼς φησί που τὸ Εὐαγγέλιον. Ἐπεὶ οὖν τοσαύτη ἐστὶ τῆς παρθενίας ἡ δύναμις, ὡς καὶ ἐν τοῖς οὐρανοῖς παρὰ τῷ Πατρὶ τῶν πνευμάτων <sup>PG
46, 324</sup>
-
- 498 Cap. II. [...] Quod enim in Mariae Virginis inviolatae corpore effectum est, perfecta Christi divinitate, quae in ipsa Virgine eluxerat: hoc ipsum in omni animo contingit, qui sit castitate ornatus, rationemque ducem in virginali vita sequatur. Quoniam non amplius, ut corporis humani formam habitumque induat, venturus est Dominus; non enim etiam novimus, inquit, secundum carnem Christum; sed in spiritu veniet, et Patrem secum ducet, ut quodam loco testatur Evangelium. Quoniam igitur tanta vis virginitatis est, <sup>PG
46, 323</sup>

¹ CCL LXIX, 143.

² Ps. LXXXIV, 12.

³ Lc. XXIV, 36; et CCL LXIX, 172.

⁴ CCL LXIX, 194.

● PLS I, 396, 412, 503, 515.

● CCL LXIX, 34, 241.

■ CCL LXIX, 256, 267, 275.